

DEO OPTIMO MAX.

QUÆSTIO MEDICA,*

*CARDINALITIIS DISPUTATIONIBUS
manè discutienda in Scholis Medicorum, die Jovis vigesima-nonâ mensis
Martii, anno Domini M. DCC. LIII.*

M. ANTONIO FERREIN, Professore Regio, Regiæ Scien-
tiarum Academiæ Socio, & in Horto Regio Anatomæ ac
Chirurgiæ Professore, Doctore Medico, Præside.

An ex Tabaci usu frequentis vita summa brevior?

I.



UI nescit in studiis anatomicis primum esse ponendum
Medicinæ tyrocinium, invitâ Minervâ salutis aras attingit.
Nec genio meliore ducitur, qui se ad eas tantum corporis
humani partes evolvendas accingit, quas Galeni temporibus
rudis adhuc Anatomia retexerat: sibi que ut
emerito plaudit, si principum viscerum figuram, colorem, situm,
musculorumque tendines & carnosam molem agnoverit. Cur-
tum illud artis operosissimæ compendium, Lanii sibi habeant & Coqui: ut
quid pluris venundari, quid palato gratius condiri possit, intelligant.
At qui ea humani corporis arcana retegere meditatur, quæ Medicum
nefas est ignorare, prima viscerum quærat rudimenta: exiliora
vasa stylo & pneumaticis tubulis expandat: & quàm varia innumeræ
glandulæ, vix lynceis oculis percipiendæ, offerant præterlabentibus
succis incernicula, sedulus observet: tenuissimos nervorum
processus, & ex multiplici illorum in diversas regiones
distributione, partium consensus inquirat, ultima
musculorum stamina attentis oculis, conspiciis adjuvantibus,
& quas exiliores fibræ trochleas, fornices, spiras, arcus,
cellulas extruant, animadvertat: atque ex illorum robore
vel imbecillitate, de valetudine & vitæ diuturnitate
benè vel malè augeretur. Neque verò in sola
cadaverum sectione ponat operam: cum enim in
vivente functionum omnium integritatem, tam
fluidarum quàm solidarum partium, quibus
ejus machina coalescit, discors servet
conspiratio: ut quantum fluidarum
impetus positos sibi limites effringere
tentat, tantum solidarum robur
nisi earum reprimat: non minori
sedulitate liquidarum motum,
quàm solidarum structuram par est
investigare. Viva itaque animalium
scrutare præcordia. Sed his apertis
Naturam

* M. Guidonis-Crescentii Fagon, anno 1699.

A

sui ipsius interpretem auscultat. Nec scripta veterum, sed quæ erunt oculis subiecta fidelibus consule. Nec te à studio veritatis dimoveant illi, qui crasso Bæotum in aëre nati, ne senes perdenda fateantur, quæ imberbes didicere piaculum esse clamitant à veterum opinionibus recedere. Quis enim præposteram istam quam vovent antiquitati reverentiam, ut præfixam socordiae larvam non agnoscat? cum non simili cultu verustas probitatis leges retineant, nec antiquos mores observent. An quippe lucro aversum Hippocratis animum, atque ab eo laudatam ἀφιδαρπυρίην venerantur illi? quibus adeo curam famæ cupido sordibus aufert, ut & socios suis è stationibus fraudulenter ejicere, & in eorum spolia audeant involare? quid verò dum peregrinas invehunt consuetudines, parent-ne melius editis antiquorum? curant-ne quæ sunt de ornatu decenti, à divino se Medicis imperata, cum Tabaci abusum, exemplo perniciem deducentes veniens in ævum, amplectuntur? ut nec jam pudeat, faciem illam quæ & modestâ securitate, & sereno aspectu ægrorum spes jubet esse ratas, deleterio pulvere conspurcatam ostentare, & manus fatali pyxide impeditas, ad iudicium de vitâ aut morte ferendum admovere: minimum solliciti, quòd rem nullâ satis magnâ mentis contentione agendam, quasi aliud agentes, & Nicotianæ illusionibus lymphati, tractare videantur.

I I.

ANTIQUOS Medicinæ præceres æquum est venerari, non quòd ea ignorarint quæ nostri sæculi melior fortuna retexit; sed quòd multa scitu dignissima invenerint, posterisque nova commiserint plurima, quæ majores illorum non attigerant. Si igitur illi Principes Medicinæ Genii, quos, nullo adhuc præeunte ducè, ad penetralia Naturæ scrutanda induxit ignea vis animi, hac ætate nascerentur iterum, tot freri subsidiis, quæ nunc ad evolvenda Naturæ mysteria feliciter inserviunt, quòd non, suis cognita temporibus promoverent? & sua si scripta ipsi commentariis illustrarent, quoties illa legentes stylum verterent? quot falsa, quot obscura, cum veris & evidentibus permutarent? Vana facultatum idola nihil ignorantia malum levantia ab Æsculapii templis proscriberent: nec jam operam perderent, ut inanes elementorum crases ad stateram appenderent; sed elegantem nervosarum partium structuram, sanguinis assiduum motum, mutuosque occursum amari & acidi, dulcis & falsi, quos olim innuerat Hippocrates, ut vitæ, ita & functionum omnium causas agnoscerent. Quæ itaque signassent vestigia, simili labore, veri illorum diligentia cultores sequantur. Veritatem, quâ nihil est antiquius, perpetuò venerentur, ejusque amorem, vera semper tyronibus exponentes, inspirent. Neque fas sit, ut ex suggestu, indocilis quisvis sæcunda de gente Meneni, ad libitum, dogmata gentium pene omnium unanimi consensu recepta impugnare audeat, ut

obsoletos errores scenæ iterum committat, in divinam artem dedecorum injuriosus auctor. Integer mentis, explodat quæ nihil attinent ad mechanicæ leges intelligendas, quibus viventium regitur & sibi constar œconomia, sensuumque addictus fidei, illis testibus exploret, quid ad breve aut diuturnum ævum, lasam aut integram valetudinem, stabilis vel concidens partium textura, æquabilis vel tumultuosus liquorum motus valeant. Atque ut in juventute firma partium stamina, constans illorum structura, solida membrorum caro, & floridus cutis honos; ipso tactu & visu percipiuntur; unde sanitas inculcata, validumque robur, quod juvenem præscripta vegetum ad munia præstat, agnoscitur: sic quantam humani corporis trahat secum ruinam partium nervosarum lapsus, & quam sanguis à naturali circuitu deficientis, certa sit & præceps interitus causa, multa quæ senescentem circumveniunt incommoda, edocebunt: neque enim solum marcescentibus cutis papillis illam rugis squalor exarat, depressivæ nervorum fornicibus, caro mollis & ex ossibus pendula, vieta deturpat membra; sed etiam exolutis ligamentis, tarda podagra vel chirogra contundit articulos, viscerum fibris ruptis aut attritis, illorum compages solvitur, & fatiscente cordis elastico robore, gelidè quidvis senex timidéque ministrat. Tot porro ruinis acervatim concidentibus; sic ubique sanguini intercluditur iter, ut brevior illius in dies circuitus, tandem omnino cum calore & vitâ desinat. Hæc verò quæ nonnisi post longam annorum seriem, & sensim fatali pereundi necessitate, bene natos occupant incommoda; illos sæpe vel in ipsâ corripunt adolescentiâ, si voluptatum abusu præmaturè vim nervosarum partium infringant, & structuram subvertant, frequenti rerum istarum occursum, quæ fibras membranarum irritant, convellunt, lacerant, torpore aggravant, aut roridi humoris pabulo defraudant. Quorum quidem omnium, Vini, Aquæ vitæ, Opii, & similium, sed maxime Nicotianæ immoderatus usus, auctor est.

I I I.

VICTUS Americanus orbis ferum victorem cepit, & Americanos mores Hispanis inspiravit: subreptâque novis Dominis libertate, & accelerato mortis gradu maleficæ stirpis abusu, incolarum suorum servitutem & funera, Luis venereæ & Tabaci donis ultus est. Hanc Herbam *Picielt* & *Petum* dictam indigenis, *Tabacum* Hispanis, sicque melius sitam, dum terra incognita celaret, contaminato cum grege virorum turpi morbo laborantium Iberica classis advexit: & utrumque fraude malâ gentibus nostris intulit, ut cum illis nova morborum hisce regionibus incumberet cohors. Subductum à Lusitaniâ hujus Herbæ semen Nicotii Legati Regis operâ, & terræ mutuo sub nomine Nicotianæ commissum, tam facile nostris solibus assuevit, quàm celeriter pravi do-

eilis Gallica juvenus illius abufui mancipata eft. Habitu fui generis plan-
 ta, Hyofcyamum minimum refert : fed viribus Papaverum, Solanorum-
 que omnium adfcribenda familiæ, Mandragoram etiam, Solanum furio-
 fum, & Stramonium, sulphure Narcotico, & oleo stillatitio deleterio
 vincit. Magnis tamen virtutibus æftimanda, fi recto & moderato admi-
 niftretur ufu, primas inter optima Medicinæ instrumenta partes obtinet.
 Naribus fcilicet, cum opus eft, excepta vel integra, vel trita in pulve-
 rem membranam ftimulat, quæ nafi & offium quibus extrahitur, recef-
 fus varios conveftit. Illa vero contracta, papillas & glandulas, quibus
 eft intertexta, constringit, atque ex his, velut ex fpongiis manu com-
 preffis, mucum exprimit : quo quidem expurgato, ferofi latices morum
 eundem fecuti, non fecus ac aqua fiphonibus elicitæ, è vafis & glandu-
 lis vicinis continenter evocantur. Nec infligatione diffimili, five Tabaci
 fruftulum ore contineatur, five fumus à fistulis hauriatur ; glandulæ
 maxillis appofitæ, & falivæ ductus ftimulati, contractione repetitâ fali-
 væ vim maximam evomunt ; quâ fluxionum materia derivatur, & suc-
 ceffivâ membranarum vellicatione, pulmo vifcosâ pituitâ expeditus,
 ab afthmate, tuffi, catarrho, & aliis periculofis affectibus liberatur. Nec
 modò crudelis dentium dolor ejus sulphure confopitur : quin etiam Nepenthis
 Homerici vices gerit, follicitæque inducit oblivia vitæ : conta-
 ctâ facit in paupertate beatum, & eum fpe divite manat in venas, ani-
 mumque juvat : immo & quibus res eft angufta domi, annonæ penuriam
 fallit, & defluentis in ventriculum pituitæ copiâ, tolerandam præbet
 inedia, aut ftupefacto nervorum fenfu, diffimulatâ fame latrantem
 ftomachum lenit. Nec folùm internis medetur incommodis : fed externæ
 quoque depafcentia curat ulcera & quæ plurium vim medicamentorum
 eluferant, putridis abfumptis carnibus, ducit ad cicatricem. Sed quan-
 tò potentiùs tot præftat admiranda, tantò certius conftat, quàm mul-
 ta fint à Nicotianæ abufu pertimefcenda. Cum enim cauftici vim exerit,
 quâ & fordida mundat ulcera, & ad vivam ufque carnem cadaverofos
 & quafi corneos extuberantes proceffus exedit : quos hoc adurente fale
 tumultus excitabit, fi frequentiore confuetudine naribus admota, vel
 excepta fumo, teneras membranas offendens, gutturis & ventriculi
 nervos in fpafmos egerit, cumque illis nervofum genus omne commo-
 verit : quid damni non afferet faliva, fi eo fale imbuta in ventriculum
 impluens, alimentis admiſſis, & mox in chylum verſis, cum ſanguine in
 totum corpus deportandis, acrimoniæ hujus ſemina inſperferit : an verò
 minus erit formidandum ſulphur illud Narcoticum affiduè inſpiratum :
 quod & atroces dentium cruciatus obtundere, & famem inducto torpore
 ſedare, immò & ſenſus omnes, atque una principes cerebri functiones
 ita potis eſt conſopire, ut Nicotianæ ebrius ſulphure, pocula lethæos ut
 ſi ducentia ſomnos arente fauce traxerit, miſeriarum oblitus ſibi beatus

esse videatur. Quis hæc cum expendierit, si sapit & adhuc liber est, non timeat Danaos & dona ferentes?

I V.

ILLI robur & æs triplex circa pectus erat, qui non ignarus quàm horrenda symptomata Tabaci usum explorantem coriperent, illum tamen voluit experiri. Sed nullum mortis timuit gradum, qui venenum istud Cicutis nocentius, repetitis vicibus ausus est visceribus combibere: nec frequentes terribilis fumi expalluit haustus. Nonne potius illum corpus esse sine pectore credideris, quem non terreat furiarum cohors, quæ ex illa Pandoræ pyxide exigui pulveris emissionem miserum invaserit. Enimvero repente nescio quid veneni sævit in præcordiis: nausæa & cardialgiâ stomachus laceffitur: diro vomitu ventriculus subvertitur: molesta vertigo caput ebrium quatit: tenebricosa suffusio instantis mortis pingit oculis imaginem. Tum porro quantis anxium corpus caloris & frigoris alternis insultibus horret? quoties cor ipsum muneri deficiens, illi sanguinis & spiritus commercium denegat? adde quod memoriæ thesaurus prima sit lethæi tubuli præda, quod nec sensuum, nec jam sit rationis compos, qui Nicotianæ sacris initiatur. Hæc si vigil aliquis viderit & vitæ principiorum jacturam præviderit, quæ tot ex tempestatibus sit pertimiscenda, postponet ne vivendi desiderium Nicotianæ præstigiis: His juvet incantari miseros, quos tordiora fata votis manent, & ingrata quibus vitæ ducenda est in hoc, novis ut usque suppetat doloribus, aut quos victus tenuis macerat, deficiente crumênâ. Quærat in Nicotianæ fumo, nauta qui trans mare currit, & miles multo fractus membra labore, quod sibi vitæ tædium dissimulent. Strenua denique hæc exerceat inertia remigium vitiosum Ulyssis, & vulgus otiosum, fruges consume-re natum. At si tibi ingenium est non incultum, nec turpiter hirtum, si gratia, valetudo contingat abundè, & tibi quod satis est, dederit Deus artemque fruendi: ut sapiens Ulysses Sirenum vitabis cantus, à stygiis tubulis abstinencebis, & odore malefico os & fauces inficere, fugies cane pejus & angue; aut si te virtus deficiat, permittes ut libera amicorum consilia, atque etiam contumeliæ graves, te pudore suffundant, vel ut tandem eripiat per vim mentis gravissimus error, quamvis sæpe clamites, Pol! me occidistis amici: ne, si te illorum indulgentia Nicotianæ furori commiserit, non modò pestis illa affligat humi divinæ particulam auræ, & vitiis onustum corpus animum quoque aggravet unâ: sed ne illud ipsum corpus in primo juventutis limine præmaturâ senectute correptum, fiat Libitinæ quæstus acerba. Verùm his aures præbet obsecratas Nicotianæ fumo lymphatus, aut si monitis annuerit, & hæc severus palam laudaverit, atque etiam servari lubricum ventis diviserit pulverem, jamjam futurus abstinens, jussus contagiosum fugere commercium, clam, quasi dum fallit amicos, se quoque fallat, lethæos redibit

ad tubulos, quibus caput nervos infregit. Impedit enim consilium voluptas rationi inimica, & mentis, ut ita dicam, perstringit oculos: miseraque adeò fors illorum est quos obcæcat, ut mala sua, quod malum est ultimum, ament. In aliis voluptatibus, etiam maximis, diliciæ celeriter deflorescunt, fastidiumque illis est finitimum: atque ut plurimum, pœnitentiam relinquunt potius quam desiderium. At qui Nicotianæ mancipantur illecebris, ita ejus lenociniis occupantur, ut ex consuetudine necessitas apud eos invaleat: & ex supervacuâ olim nugatione, res seria tandem exsurgat, quâ carere non possint. Immo inde sibi Nestoreos annos, vitamque à doloribus immunem pollicentur; & sanitati se potius quam voluptati consulere dicitant, si faucibus perpetuò teter halitus saniesque manet: & si quidquid serosi humoris per publicas vias & cæca spiracula solet excerni, ad nares evocent. Verum in fraudem inducti, odoratus organum præter Naturæ institutum assiduo Corysæ stillicidio deturpant. Nasus quippe Campanulæ figurâ odoribus excipiendis natus est: non ad percolandos humores instructus, cui muneri destinatae partes, in morem infundibuli adornatae sunt. Atque adeò solis infant porta ruit, muco nares turgent: & senibus, quibus malè jam connexis partium staminibus rimosum corpus effluit, indecora pender stiria naso. At bene valentes, firmamque agentes ætatem, nisi catarrho laborent, vix mucum naribus deponunt, præter eum quo partis sensus obtunderetur. Longè igitur absunt à Naturæ proposito, qui tenuissimam membranam sagacem odorum judicem, Narcotico Tabaci sulphure, & irriquo humorum flumine obruunt: ossesque cancellos mirâ arte elaboratos ad retinenda suaveolentis corporis effluvia, gravedinæ perpetuâ impediunt. Quin & divinæ Palladis arcem sordium pondere atterunt; latrinisque ad sublimes ædium partes translatis, mentis folio cloacam admovent. Prodest quidem aliquandò, hærentem à somno mucum sollicitare, & sternutationibus, lympham in vicinis glandulis stagnantem elicere: atque remedio in consuetudinem verso abutuntur, non caput levant, sed opprimunt: & dum futuræ sanitatis spe, morbum sibi continuum asciscunt, ita lympham à reliqua sanguinis massa divellunt, ut ejus fibræ vehiculo quo ferebantur destituta, ferè immobiles coeant, Unde sæpius subitæ mortes, atque intestata senectus, arte malâ provocatum catarrhum excipiunt.

V.

QUÆ res nobis & substantiæ similitudine familiares, & qualitatum temperie benignæ, in usum quotidianum magna cum utilitate usurpantur, abusu fiunt pessimæ: nosque etiam aliquando subversis repente vitæ principiis jugulant. Ut ideò non rarò vini, & alimentorum etiam euchymorum mole nimia oppressus calor nativus subito extin-

7
guatur, sic & suavium odorum, qui usu moderato naribus admissi cerebrum recreant, & cordis vires reficiunt, frequentior usus, & copia largior, sanguinem accendit, cerebrum concutit, & nonnunquam lipothymiam, aut insultus movet epilepticos. Quis igitur furor est eò usque pernicioso Nicotianæ pulvere abuti: ut non modò sæpius quàm cibus & potus admoveatur: sed eadem etiam frequentia quâ aer in pulmones influit, naribus inducatur, atque ita illarum ductus occupet, ut quidquid aeris continuò per nares ad pulmonem rapitur, deleterio Peti sulphure, & acri sale imbutum accedat, atque hinc sanguini mixtum, divinum laticem malignis spiritibus inficiat: quorum effero motu dum sanguis velut cæstro percitus, ut seditiosos & desultorios advenas extra claustra deturbet, sibi luctuosus dissidet armis, infaustum sæpe certaminis exitum immerita pars princeps luit. Titillationem quâ nares movet præstigiatrix hæc Herba, quæ tam imperiosè de humanâ libertate triumphat, ut ejus captivi, etiam inviti, naribus illam inferant, non ineptè narium venerem licet appellare. At quemadmodum voluptatem illam, quam Venus quintâ sui parte nectaris imbuît, brevem epilepsiam vocaverunt antiqui; sic & illam Nicotianæ voluptatem, levem; sed ferè continuam epilepsiam jure dixeris. Hujus enim acri pulvere vellata quolibet momento tenuis narium membrana, capitis quoque meninges convellit: atque unâ reliquas omnes corporis nervosas partes succurit; visceraque etiam tam frequenter exagitat, ut illa deinceps quâlibet ex causâ ad assuetam commotionem reducantur. Quantum enim membranæ narium consensus cum remotissimis viscerum nervis valeat ad procellas ejusmodi provocandas, testes sunt repentini passionum hystericarum & melancholicarum insultus, quos fulguris in morem vel levissimâ suaveolentis corporis aurâ nares subeunte, comperitum est suscitari, nec minori celeritate ingrati vaporis occursum sedari, quotidianâ notum est experientiâ. Hinc frequenter affectus ille, jam vaporis nomine celebris, occurrit, quem vulgus imperitum, minimeque sollicitum, vera ne an absurda loquatur vaporibus & fumis ad caput, aliasque partes affectas subito advolantibus fingit excitari. Teme-
rè quidem, & inconsultâ præcordiorum structurâ: nulla enim spiracula, aut apertæ satis sese offerunt viæ, quibus ab alvinâ regione ad superiores, tantus vaporum vortex possit erumpere, quanto esset opus ut præceps adeò tempestas insurgeret, quæ genus omne nervosum tumultuosè percellit. Motibus itaque convulsivis tumultus ille viscerum debetur. Fibræ nimirum & membranæ, quibus compages eorum constat & continetur, aut acidis aculeis confixæ, vel succis austeris corrugatæ, vel tetrâ putridi spiritus mephiti agitæ, contrahuntur, & successivè varias reliquorum viscerum fibras & membranas nervorum societate conspirantes, immo capitis meninges, similes agunt in spasmos, cerebrum-

que ipsum, contractis ejus involucris, opprimunt. Cum verò hæc symptomata partes sæpius & facilius invadant, prout illæ frequentioribus convulsionum insultibus ferè semper tremulæ, quadam sunt veluti consuetudine in convulsionem pronæ, palam est futurum ut perpetuâ titillatione quàm Nicotianæ abusus mover, partes nervosæ omnes sint ad convulsionem dispositæ: ac proinde quâlibet humorum irritatione, aut odoris appulsu, hisce convulsivis motibus corripiantur, qui nunc vapores audiunt. Illæ porro turbidis tot succussibus diutius lacescitæ, nativum sensim robur deponunt: & mox ingravescente tumultu, fibræ partium, dum crebrius contrahuntur, aut violentius extenduntur, disruptæ tandem, & in se invicem ruentes, exiguos tubulorum fornices destruunt, arcus obliterant, poros, meatus comprimunt. Atque adeò pervii antea ductus passim obturati, sanguinis & spirituum commeatum interceptiunt: ut nec in locum particularum quæ motu & expiratione diffluunt, novæ possint substitui; nec residuus sanguis ad venas libere valeat remeare. Unde partes nutritionis beneficio privantur, vel onere superfluo obruuntur, & alterutro pariter contabescunt. His accedit, quòd plures nervorum fibræ narcotico Peti halitu perfusæ stupefiant. Quemadmodum enim Opii sulphur oleosis, æthereis, salinis, aut aqueis pariter liquoribus diluitur: quò singulari discrimine à reliquis sulphuris generibus discrepat: sic & congener Nicotianæ sulphur, dum contractis ramosis quibus constat particulis arcto salinarum fœdere, subit insensiles fibrarum nervosarum meatus, atque ibi occurrente lymphâ vel spiritu dissolvitur, & ramosæ particule salinis vinculis expeditæ explicantur, ita sese invicem & meatus impediunt, ut sint spiritibus animalibus impervii, donec majore illorum affluente copiâ deturbentur. Verum si halitus narcotici successive sibi occurrere non desinant, exiles fibrarum ductus ita constanter obstruuntur, ut vix ullis admissis spiritibus, nervos torpor occupet. Unde in ipsâ nonnunquam adolescentiâ membra labant; tremor manus solitis muneribus impares reddit; illusi pedes vitiosum corpus ferre recusant; viscera marcescunt; spiræ cordis elasticæ desultoriè moventur aut cessant; & sic tandem, vel disruptis & ruentibus partium staminibus, viventis machina dissolvitur, vel ejus motus, sine quo nusquam est vita, deficit, ut idè quæ subductâ Nicotianâ tarda fuisset necessitas lethi, ejusdem abusu corripiat gradum.

Ergò ex Tabaci usu frequenti vita summa brevior.

Proponebat Parisiis HENRICUS-MICHAEL MISSA, Remensis,
 è vico Sancti Theodorici, Saluberrimæ Facultatis Medicinæ
 Parisiensis Baccalaureus, A. R. S. H. 1733,

A SEXTA AD MERIDIEM.

Typis Viduæ QUILLAU, Universitatis & Facultatis Medicinæ Typographi, 1733.